




U.S. Department of Justice Community Relations Service  
(Adeegga Xariirka Bulshada ee Waaxda Cadaalada Maraykanka)

## U adeegaaya Bulshooyinka inta lagu jiro aafada caabuqa COVID-19

U.S. Department of Justice Community Relation Service (CRS) ayaa ah "Nabad-ilaaliyaha Maraykanka" ayadoo fududaynaysa wacyiga, fahanka, iyo wada hadalka bulshooyinka waajahaaya rabshada, korna u qaadaaya awoodaha bulshada si ay qaab madax banaan uga hortagaan ayna u xaliyaan isku dhacyada imaan kara mustaqbalka.

Si waafaqsan qodobka Title X ee Sharciga Xaquuqda Aadanaha oo soo baxay 1964 iyo Sharciga Kahortaga Danbiyada Nacaybka Ku salaysan ee Matthew Shepard iyo James Byrd, Jr., oo soo baxay 2009, CRS ayaa u gurmata bulshooyinka waajahaaya iskudhacyada ku salaysan kala-duwanaanshaha isirka, midabka, asalka, jinsiga, aqoonsiga jinsiga, dookha galmada, diinta, ama naafada. CRS ma lahan awood sharci fulin ama awood dacwad oogis. Taas badelkeed, CRS ayaa kala shaqaysa bulshooyinka rabshadu ka jirto si dib loogusoo celiyo xariirada, loo abuuro isfahan lagu wada qanco, loona dhiiri gesho abuurista xalal maxali ah. Shaqaalaha xirfadleryaasha ah ee CRS ayaa si toos ah ula shaqeeya saraakiisha gobalka iyo kuwa maxaliga ah, ururada bulshada, ururada u dooda bulshada iyo xaquuqda madaniga ah, kooxaha diinta, iyo sharci fulinta qaab iskaa wax u qabso ah oo lacag la'aan ah. CRS ayaa ah qolada sadexaad ee dhex-dhexaadka ah, adeegyadiisuna waa kuwo qarsoodi ah.

▼ Sida ay sheegtay Laanta Danbi Baarista Federaalka (Federal Bureau of Investigation, FBI), danbiga ku salaysan nacaybka ee federaalku waa "fal danbiyeed ka dhan ah qof ama hanti kaasoo salka ku haya si guud ama qayb ahaan fikirka khaldan ee danbiiluhu ka qabo isir, din, naafo, dookh galmo, qoomiyad, jinsi, ama aqoonsiga jinsiga."



### Taageerada CRS inta Lagu jiro Aafada COVID-19 ▼

CRS waxay taageertaa bulshooyinka ka shaqaynaaya kahortaga iyo gurmada dhacdooyinka ku salaysan eexda iyo danbiyada nacaybka ee la xariira COVID-19. Inta lagu jiro waqtiyada bulshadu kala fogaanayso, shaqaalaha CRS oo ka kooban khabarada heshiisiinta ayaa lagu heli karaa oonleenka iyo khadka taleefanka si ay ugu adeegaan bulshooyinka dhammaan 50 gobal iyo deegaannada Maraykanka.

### Adeegyada Oonleenka ah ee CRS ▼

Adeegyada oonleenka ah ee CRS waxaa ku jira talo bixin, wada hadallada iyo kulannada bulshada ee la dhex-dhexaadinaayo, iyo tababar waxbarasho oo oonleen ah kuwaasoo xog ka siin kara kooxaha bulshada iyo saamileeyda kale habraacyada iyo khayraadka soo sheegida danbiyada ku salaysan nacaybka, waxayna taageeri karaan abuurista qorsheyaasha shaqada oo diirada saaraaya dhacdooyinka ku salaysan fikradaha khaldan iyo kahortaga iyo gurmada danbiyada ku salaysan nacaybka. Adeegyada dheeraadka ah waxaa kamid ah tababar, heshiisiin, iyo wadaagista farsamooyinka ugu fiican.

Waxaa intaas dheer, CRS waxay qabataa shirarka waxbarashada oo loo qabto tababaro oonleen ah ahaan si xogta loola wadaago tiro badan oo saamileey ah si xariir ah:

▼ Shirka **dhacdooyinka Eexda iyo Danbiyada Nacaybka ku salaysan**, ee ay fududayso CRS, ayaa kulmiya booliiska maxaliga ah iyo kuwa federaalka iyo ururada bulshada si ay uga doodaan isdhaafsiiga qaabab looga hortago looguna gurmado dhacdooyinka eexda ku salaysan iyo danbiyada nacaybka ka dhasha. Shirkaan wuxuu sidoo kale fududeeyaa isdhaafsiiga xogta wuxuuna adkeeyaa xariirada u dhexeeya saamileeyda.

▼ Shirka **Difaaca Goobaha Cibaadada** wuxuu baxshaa qaababka ugu haboon oo looga caawin karo bulshada inay ka difaacaan goobaha cibaadada khataraha imaan kara. Shirku wuxuu kulminayaa saraakiisha booliiska deegaanka, kuwa gobalka, iyo federaalka iyo ururada diinta si looga wada hadlo bixinta xog iyo khayraad ku aadan sharciyada danbiyada nacaybka, xaaladaha dilalka toogashada ah, iyo amaanka rasmiga ah ee dhismeyasha diinta.


### La xariir CRS

Si aad ula xariirto CRS, fadlan iimeel u dir [askCRS@usdoj.gov](mailto:askCRS@usdoj.gov). Fadlan ku sheeg iimeelkaaga gobalka ama deegaanka Maraykanka ee aad dagan tahay ama adeegyada aad ka doonayso. Khubarada heshiisiinta ee CRS ayaa jooga 10 xafiis oo goballada ku kala yaala iyo afar xafiis oo wareegta kana hawlgala dhammaan dalka. Xafiisyada rasmiga ah waxay ku yaalaan Boston, New York City, Philadelphia, Atlanta, Chicago, Dallas, Kansas City, Denver, Los Angeles, iyo Seattle, iyo afar kamid ah xafiisyada guur-guura oo ka shaqeyaa Miami, Detroit, Houston, iyo San Francisco.

Wixii xog dheeraad ah ka fiiri CRS, booqo: [justice.gov/crs](http://justice.gov/crs).

### Meesha aan ka Shaqayno ▼

- New England
- Waqooyi-bari
- Atlantiga-Dhexe
- Koonfur-bari
- Galbeedka-dhexe
- Koonfur-galbeed
- Dhexda
- Buuralayda
- Galbeedka
- Waqooyi-galbeed
- Saraakiisha Goobta Shaqada
- Saraakiisha Gobalka
- Xafiiska CRS ee Goobaha Shaqada




### Hel adeegeena, nagu xirnoow ▼

[www.justice.gov/crs](http://www.justice.gov/crs)

 [facebook.com/DOJCRS/](https://www.facebook.com/DOJCRS/)

 [@DOJ\\_CRIS](https://twitter.com/DOJ_CRIS)

 [askcrs@usdoj.gov](mailto:askcrs@usdoj.gov)

 202.305.2935